

sospitem atque incolumem nec non me dignum amore Tuo habeas. Dabam Havniæ d: 10 8br: 1748.

a Monsieur Monsieur Linnæus Archiatre de sa Majesté Svedoise Professeur en Medicine tres Excellent à Upsal  
hermed een Cassa forseget og mk D. L. som alt op-  
legges hos Herr secretair Jon: Malmborg til vidre be-  
fordring.

(2) Viro Illustri et longe Celeberrimo  
D: D: Carolo Linnæo  
Archiatro Regio et medicinæ Professori

Sal: plur: dicit

Balthas: Joh: de Buchwald

Responsum ad gratissimas tuas mihi scriptas d: 1 Nov: retardavit adversa corporis valetudo, nunc per Dei gratiam superata. Hisce igitur celare nequeo insignem animi dolorem quem percepi a Musa Tua gelu fere adusta propter hortulani incuriam, cujus tamen contrarium mihi sanctissime promiserat Vir alias visus mihi semper honestus, nihilominus si hæc, quam tenes, revirescere noluerit, nullus dubites rogo, quin aliam instante æstivo tempore missurus sim. Liber de quo mentionem fecisti editus est a me hic Havniæ aº 1721 in 8tavo, Titulus ipsi est seqvens Joh. de Buchwald specimen Medico practico-botanicum inß Teutſche überſetzt von Balth: Joh: de Buchwald Med: Doct: Sed fatalis qui heic ante 20 annos regnavit Vulcanus plurima consumsit exemplaria. Mathematicus noster Junior Christianus Horrebow desiderat Vargentins Tabulas satellitum Jovis, quas prima occasione data mihi pretium statim soluturo mittas obnixè rogo, apprecor etiam continuationem mihi maxime accepti literarum commercii, quod grata omnino mente agnosco, cum a Te erudiri me sentiam, quare vehementer gaudeo quod scribis Te futura æstate ansam concessurum fore mihi Te conveniendi in hac nostra Metropoli Regia.

Pro Strena mitto Tibi ceu Exoptatissimo Fautori Votum: